

Dálkkasbuhtadusat ja áššiid dikšun apoteaikkas

1.1.2024

Čoahkkáigeassu rávagirjjázis Rávvagat dorvvolaš dálkkasdikšui

Gos sáhtán oastit dálkasiid?

Suomas dálkasiid oažžu dušše apoteaikkas. Apoteaikkas oažžu reseptadálkasiid, maid doavttir lea mearridan. Apoteaikkas oažžu maidái iešdikšundálkasiid ja dikšunreaidduid.

Apoteaikkas rávvejit, mot dálkasat ja dikšunreaiddut geavahuvvojit.

Nubbi olmмоš sáhtta viežžat du dálkasiid apoteaikkas. Áššiid dikšun nuppi olbmo beales lihkostuvvá, jus nuppi olbmos leat mielde báberhámis du pasieantarávvgat dahje du Kela-koarta. Doavttir lea addán pasieantarávvgaga, go leat fitnan doaktáris.

Iešdikšundálkasiid geavahanráva lea pakehtas. Reseptadálkasiid lea liibmejuvvon ráva, mas lea doaktára addin ráva dálkasa geavaheapmái.

Šattango máksit buot dálkasiid ieš?

Suomas it dávjá mávsse ieš olles hatti doaktára mearridan dálkasiin. Kela máksá buhtadusa dálkasiin, maid doavttir lea mearridan resepttain. Oaččut du dálkasis Kela-buhtadusa dábálaččat juo apoteaikkas. Buot dálkasiin ii oaččo Kela-buhtadusa.

Dálkasii sáhtta leat vuodđobuhtadus dahje sierrabuhtadus. Dálkkasbuhtadusain lea maidái oassi, mii máksujuvvo jahkásaččat ieš. Dat lea 50 euro. Oassi, man ferte ieš máksit, ii guoskka vuollil 19-jahkásaš mánáide.

Jus geavahat olu dálkasiid maida leat buhtadusat, de oassi man ferte ieš máksit, sáhtta rasttildit jagis nu gohčoduvvon dálkkashadderájá, mii lea sullii 600 euro. Dálkkashadderádjá lea eanemus mearri, man mávssát jagis dálkasiin. Dan maŋŋá loahppajagi mávssát dušše 2,50 euro dálkasis, masa lea buhtadus. Sáhtat jearrat lassidieđuid dálkkasbuhtadusain apoteaikkas. Váldde apoteikii álo mielde iežat Kela-koartta dahje báberhámis pasieantarávvgaga.

Man dávjá dálkasiid sáhtta viežžat apoteaikkas nu, ahte dat buhtaduvvojit?

Oaččut hávális apoteaikkas eanemusat 3 mánotbaji dálkkasmeari. Dat mearkkaša 90 beavvi dikšunáiggi.

Iežat dálkasa juogadanrávvagis rehkenastojuvvo, man galle dálkkaspakeahta Kela buhtada hávális. Oaččut apoteaikkas easka dan maŋŋá lasi dálkasiid mat buhtaduvvojit, go leat geavahan masá oalát dálkasa man leat oastán mannan háve.

Maid mearkkaša dálkkasmolsun?

Apoteaikkas lea geatnegasvuohta muitalit dutnje, jus apoteaikkas lea nuppi dálkkasfitnodaga seammalágan dálkkas, mii lea hálbbit.

Oaččut dán dálkasa apoteaikkas, jus háliidat. Dat lea dutnje govtolaš. Jus it háliit molsut dálkasa, šattat ieš máksit dálkasiid haddeerohusa divrasabbo ektui.

Maiddái doavttir sáhtta gieldit molsumis. Dalle oaččut buhtadusa dálkasa olles hattis.

Dálkkasmolsun lea dorvvolaš. Nuppi dálkkasfitnodaga seammalágan dálkkas sistsidoallá seammá olu seammá váikkuheaddji ávdnasa.

Mii lea Omakanta?

Omakanta lea álbmoga neahttabálvalus. Oainnát doppe suoma- ja ruoŋagillii, maid dieđuid dearvvašvuođafuolahus lea čállán du ja iežat dálkasiid birra. Beasat bálvalussii Kanta-bálvalusaid neahttasiidduin ja čujuhusas omakanta.fi.

Loga lasi: [Rávagirjjáš dorvvolaš dálkkasdikšui](#)



LUOTETTAVAN
LÄÄKETIEDON
PUOLESTA
Lääkeinformaatioverkosto